



Анокстатано ВКП(б)-нь XVIII-це конференциянь честьс достойной подаркат

Ков чи, тов яла седеяк келейгады партийной XVIII-це конференциянь лемсэ социалистической соревнованиясь. Ков чи, тов яла седеяк ламолгады соревновиянь рядтне. Эрьва чист Советской Союзонть весе уголтнэст кан-ды сообщениат сеть изнявктнэде, конатнень минек трудиятне тейнить партийной XVIII-це конференциянь подаркак.

Мордовской республикасо Красный Узел станциясо вагоно-ремонтной пунктонь токарь-комсомолец Г. П. Еремеев ялгась январень васень декадастнэ норманзо топавтызе 450 проц. Роботань качества паро. Еремеев ялгась нейгак эзинзе алкагавто эсензе темпанзо. Сон честь марто топавты обязательстватнень, конатнень сайнинзе эсь лангозонзо.

ВКП(б)-нь XVIII-це конференциянь лемсэ социалистической соревнованиянь Мордовской республикасо васенцекс ушодызе пенсковой комбинатось. Робочейтне ды работни-патне эсь лангозост сайнест обязательстват: 1940 иень нилеце кварталонь планонть топавтомс 109 проц. Топавтызе жо—113,1 проц. Декабрьской планонть топавтызе 117,2 проц. Производственной планонть вельска топавтоманзо кис бородамсонть комсомолецтне ды од ломатне молят икеле рядтнэс. Примеркс, Мишутина комсомолкась эрьва чист эсь планонзо топавтни сядо кавксо проценттэ ламос.

Саранской махорочной фабрикань набойной цехень стахановкась П. В. Сидорова ялгась XVIII-це Всесоюзной партконференциянь честьс сайсь обязательства эрьва чистэ сменанзонзо набить 170 ящик махорка. Ды сонза обязательствазо эзь кадово чаво валокс. Сидорова ялгась чиде чис топавтни эсь обязательстванзо.

Ичалковской МТС-нь робочейтне бороцить сень кис, штобу ВКП(б)-нь XVIII-це партконференциянь панжомачинтень 75 проц. прядомс тракторонь ремонтонть—ремонтировам отличной качества марто 61 трактор. Весе трактортнэнь ремонтонть, иста жо автомашинатнень ремонтонть прядомс мартонь 1-це чинть самс; плугтнень, сеялкатнень ды лия инвентарень ремонтонть прядомс февралень 10-це чинть самс.

ВКП(б)-нь XVIII-це конференциянь лемсэ социалистической соревнованиясь пек келейгадсь Мордовиянь колхозтнэнь ды башка колхозниктнень ютксо.

Б.-Березниковской районсо Шугурова велесэ Калинин лемсэ колхозонть комсомолецтнэнь ды од ломатнень инициативаст коряс моли бороцамо сень кис, штобу февралень 15-це чинть вастомс тунда видемантень полной анокчисэ. Тосо прядызь уш весе инвентарень витнеманть, прядовома лангсо виднень сортировамось-как, паксыс ютавтозь ловонь кирдема.

Од Жабина велень «Якстере теште» колхозонь комсомолецтне партийной XVIII-це конференциянь честьс ютавтсть ловонь кирдема 100 гектар лангсо. Эрьва комсомолецс сайсь обязательства теэмс 50 шт.

Истят примертнэде минек республиканть келес пек ламо. Весе сын кортыть седе, кода Мордовиянь трудиятне производственной покш показател марто анокстыть большевистской партиянь XVIII-це конференциянь вастомо.

Но а эряви оймамс теэзь успехтнень лангс. Эряви еще седеяк пек келейгавтомс социалистической соревнованианть.

Производствасо, колхозсо, учреждениасо комсомолецтне должны васняк сынсь алкукс соревноваться трудонь производительностень кепедеманзо кис, продукциянь качества кис, колхозсо жо—тунда видемантень парсте анокстамонть кис. Ды эсь мельгаст должны ветьамс несоюзной од ломатненьгак.

Кой-кува улит истят настроений, што соревнованиясь организовазь, обязательстват улит сазь, секс ней можна оймамс ды учомс паро результат. Эряви тапамс истят настроенийтнень. Сын мезяк а максить, зыянд башка.

Аламо еще се, штобу организовам формально соревнованианть ды сэрмадомс согдоговор. Эряви чиде-чис руководить те соревнованиясонть, добиваться согдоговортнэнь топавтома. Аламо еще се, штобу саемс обязательстват. Эряви конкретной тевсэ васняк эстет топавтомс эсь обязательстватнень ды добиваться сень, штобу лиятнек топавтылизь обязательстватнень, конатнень саизь эсь лангозост ВКП(б)-нь XVIII-це конференциянь честьс.

Те — эрьва комсомолецтнэнь обязанностэ. Большевистской партиянь XVIII-це конференциянь лемсэ социалистической соревнованиянь ветьазь, эряви бороцам производствасо, колхозсо, МТС-сэ ды учреждениасо трудовой дисциплинанть ды трудонь производительностень кепедемаст кис, экономиянь кис; решительно бороцамс разгильдяйстванть ды расточительстванть каршо, трудовой дисциплинань каватныцятнень каршо.

Комсомолецтне ды од ломат, анокстадо достойной подаркат партийной XVIII-це конференциянь честьс! Седеяк келейгавтодо те конференциянь лемсэ социалистической соревнованиянь!

XVIII ПАРТКОНФЕРЕНЦИЯНТЬ ЛЕМСЭ СОЦИАЛИСТИЧЕСКОЙ СОРЕВНОВАНИЯСЬ

Производственной покш под'ем

Производственной покш под'ем марто роботыть Ичалковской лесокombинатонь робочейтне ды служащейтне. Сын обяыались партийной XVIII-це конференциянь честьс иень кавто ковоень программанть топавтомс омбоце пель ковс.

Раздельщиктне Е. Дубилин, П. Караченков, П. Максимов эрьва чистэ нормаст топавтнить 175 процентс. Вирень кериятне В. Будилин, П. Шалаев, Е. Родин нормаст топавтнить 160—170 процентс. Лесокombинатонь 15 робочей эрьва чистэ нормаст топавтнить малав 150 процентс.

Г. Савинова.
Ичалковской район.

КАВТО КОЛХОЗОНЬ СОРЕВНОВАНИЯ

Поводимова [велень Куйбышев лемсэ колхозос вети Аникеев лемсэ колхозонть марто ВКП(б)-нь XVIII-це конференциянь честьс социалистической соревнования тунда видемантень анокстамонть коряс.

Соревнованиясонть васенце тарканть кис бороцязь, Куйбышев лемсэ колхозос прядызе велень хозяйствань инвентартнень витнеманть ды видмекстнэнь сортировамонть. Контрольно-семенной лабораториясь видьметнень проверинзе ды ловинзе вадрякс.

Колхозонть организоваз полеводческой звенат, конатнень кемекстазь модань участк.

150 гектар лангсо ютавтозь ловонь кирдема.

А. Харитонов.
Дубенской район.



Саранской котонинной фабрикань стахановкась комсомолкась В. Ф. Ветлугаева производственной заданиянзо свал топавтни 142 процентс.

Фотось П. Ивановонь.

Норматнень топавтнить вельска

Ичалковской МТС-нь трактористне ды робочейтне, конат роботыть трактортнэнь ремонтировамонть коряс, сайсь обязательства партийной конференциянь панжомачинтень прядомс весе трактортнэнь ды автомашинатнень ремонтонть.

Капитанов кузнецсэ чинь норманть топавтни 120—130%. Сесоров токарьсэ ды Терехин слесарьсэ эрьва чистэ норматнень топавтнить 115—120%.

М. Прончатев.
Ичалковской р-н.

МИНЕК РЕСПУБЛИКАНТЬ КЕЛЕС

Колхозной кино-фестиваль

Красный Узел станциянь железнодорожной клубсонть январень 16-це чинтэнь сазь 18-це чинть самс ютавтозель колхозной васенце кино-фестиваль. Ульнест неветэз советской кинематографиянь сех вадря произведениятне—«Степан Разин», «Великое зарево», «Член правительства» ды «На Дунае».

300 пондо гектарстонть

«Луч коммуны» колхозонть (Ичалковской район) Леванова ды Березина ялгатнень постоянной звенатне меля сайсь гектарстонть 100 пондодо ламо урожай. Тедиде знатной звеневодтне сайсь обязательства полутчамс гектарстонть 300 пондо яровой товзюро.

Леванова ды Березина ялгатне тейсть агротехнической меропрятиянь план ды кундасть сонза ютавтомо.

Колхозно-совхозной театранть постановканзо

Мордовской АССР-нь республиканской Государственной колхозно-совхозной театрань коллективесэ ютась иень декабрь ковстонть ды те иень январь ковсто ульнест Ромодановской райононь зарья велесэ. Театранть постановканзо пек тусть колхозной зрителенть мельс.

Од ловнома кудо

Кайбичева велесэ (Дубенской район) аволь умок панжозь од ловнома кудо. Тедэ мейле пек седе вадрягадсь населениянь ютксо культурно-массовой работась.

Колхозной од ломатне культурнойсэ ды веселасто ютавтыть эсест ютко шкаст. Ловнома кудосонть роботыть оборонной кружокт.

Покш леске максть колхозонтень Курилова велень школань комсомолецтне. Каникулань читнестэ комсомолецтне лиснест ловонь кирдема.

СНИМКАСОНТЬ: Клава Фадеева ды Лиза Тараскина комсомолкатне, конат сех активна роботасть ловонь кирдеманть коряс.

Фотось П. Ивановонь.

КОММУНИЗМАНТЬ КИС САМООТВЕРЖЕННОЙ БОРОЦИЦЯ

(В. В. Куйбышев кулома чистэнэ 6-це годовщиантень)

Кото иеде теде икеле минек партиантень теусь ставка ёмавкс. 1935 иень январень 25-це чистэ творческой виензэ расцветэ кулось большевистской партиант выдающийся деятель, рабочей классонть теуэнэ кис, коммунизм теуенть кис неутомимой бороциця, Ленинэн дь Сталинэн верной ученикес дь соратникес—Валериан Владимирович Куйбышев.

В. В. Куйбышев куловтызь право-троцкистской антисоветской блокстонть подлой извергтне, конат вредительтень-врачтень лездемоть марто зярря шкань перть отравляли сонзэ верензэ, сонзэ седеензэ.

Куйбышев ялгась весе эсь эрямонзо максызе рабочей классонь теуентень. 1904 иестэ, зярдо сонензэ ульнест кемготово ие,—сон совась РСДРП-нь Омской организациантень дь сеске примкнул большевиктненень.

1905 иень сёкенья В. В. Куйбышев Петербургсо—касыця-кепетиця революция центрасонть, косо сон вети активной большевистской работа. Ответственной те шкастонть В. В. Куйбышев топавтни партиант сех важной порученият, пачтни оружия дь боеприпас московонь рабочей боевой дружинатненень, конат сестэ анокстыль декабрьской вооруженной восстаниятень.

Стака реакция шкастонть, кона ушодовсь русской васенце революциядонть мейле, локшонь дь виселицань разгудонь шкастонть, империалистической война иетнестэ, В. В. Куйбышев свал дь эрва косо—ульнест последовательной ленинецке, самодержавиянт непримиримой врагокс. Царской власте нек преследовали сонзэ. 1906—1916 иетнень перть В. В. Куйбышев кавксокс арестовазель, ульнест ниле ссылксо Сибирень сех васоло таркатнесэ. А вест сон орголесь ссылксо, кекшнест парской охранкань агентнэ эйстэ, конат преследовали сонзэ.

Февральской буржуазно-демократической революциянт пингстэ В. В. Куйбышев ульнест очередной ссылкой, гиблой Туруханской краев молемань ки лангсо.

В. В. Куйбышев велявть дь сась Самарав, косо сон меельсь шкастонть ветась революционной деятельность, косо сонзэ нек учоть рабочейтне. Весе вийсэнэ Куйбышев ялгась вундась роботас. Руководит большевистской организациянт эйса, сон пурны дь организови рабочейтень, аноксты эйсэт бороцям буржуазиянт ёртоманзо кис. Советнэн властенть кис. Самарась, кой-кона лия оштне марто вейсэ, сех икеле примкнул Петроградонтень. 1917 иень ноябрынь 8-це чистэнт Самарасо теезель уш советской власть, Куйбышев ялгась кочказель революционной комитетанть председателекс, мейле жо Советнэн губернской Исполнительной Комитетанть председателексак.

Гражданской война весе иетнен В. В. Куйбышев ютав-

тынзе фронтнэсэ, сон ульнест Якстере Армиян виднейшей политической руководителекс. Вейсэ Фрунзе ялганть марто В. В. Куйбышев активно участвует колчаковецтнень тапамосонть дь Восточной дь Туркестанской фронтнэсэ интервентнень тапамосонть. Сонзэ лемензэ марто сколмавозь Средней Азиян народтнень олакстомтомась белогвардеецтнень дь интервентнень эйстэ. Эсь эрямонзо апаж жала, трудностнень эйстэ апаж пеле, В. В. Куйбышев свал ульнест сехте икельце дь опасной таркатнесэ.



Прядовсь гражданской войны сь. Партиясь В. В. Куйбышев кучни партийной дь государственной роботань сехте ответственной участкатнес. 1921 иестэнт саезь сон кармась улеми партиян ЦК-нтэ составсо, 1927 иень декабрь ковсто—сон Политбюронь член.

В. В. Куйбышев ульнест минек государственной дь хозяйственной строительстванть покш организаторок дь руководителекс. Сестэ, зярдо ульнест народной хозяйствань Высшей Советань (ВСНХ-нь) президиумонть членэкс дь Главэлектронь начальниекс—В. В. Куйбышев теке ютавты советской масторонть электрификациян (ГОЭЛРО-нь) гениальной ленинской планонть. Сонзэ непосредственной руководстванзо коряс ушодозель Волховстроень, Шатурской, Кизеловской дь Каширской электростанциянтень—Советской государствань могучей энергетической базань негь первенецтнень строямось.

Зярдо партиань XII-це съезданть решениянзо коряс теель ЦКК—РКИ-сь, сонзэ пряттокс аравтозель В. В. Куйбышев, конань партияськак, народськак содылиз истямокс, што сон кристално ванькс большевик, неде-нев предан Ленинэн—Сталинэн теуентень, непримиримой социализмань весе врагтненень. Партийной рядтнэнь единстван ванстоэ, сон пощадавтома тапась «рабочей оппозициянт», троцкистнэнь, правой перерожденецтнень, буржуазной националистнэнь дь народонь лия врагтнень; сон лангс таргиль сынт «теориянтень» дь лозунгтнень контрреволюционной сущностень, разоблачал сынт коварной замысла, пресекал

сынт преступной теуент.

1926 иестэ куломась саизе минек рядтнэст Феликс Дзержинскоень, советской промышленности боевой руководителенть. ВСНХ-нь председателекс партиясь кучизе Дзержинскоень достойной премникенть—Куйбышев ялганть.

Сталин ялганть указаниянзо коряс сон руководит васенце пятилеткань планонть—минек масторонть социалистической преобразованиян коряс великой роботатнень планонть составлениянзо эйса.

Седе мейлен иетнестэ, Госпланонть председателекс дь СССР-нь Совнаркомонь председателенть заместителекс улезь, В. В. Куйбышев прими активной участия сталинской омбоце пятилеткань планонть разработкаснзо.

Валериан Владимирович пощадавтома лангс таргиль дь кеместэ бичевал косностень дь рутинанть, застойностень дь пуло-песэ усковоманть, прян шнамонть дь эсь прян оймавтнеманть. Сон ульнест роботасо алкуксонь революционерэкс, свал тешкстыль, што одонт эйстэ пелемась, отжившеент, таштонть икелев сюконякшномась ашти коммунизмантень минек молемань кинть лангсо тормозокс. Кода бути вест «Артексэ» оймсиця пионер сонзэ кевкстизь: «Месть тон вечкат тейнемс?» Валериан Владимирович отчясэ: «Эрва мезе вечкан тейнемс, эрва кодамо роботанть вечкса». Дь алкуксак—эрва теуенть, конань сонензэ макснлиз партиань дь правительствась, сон топавтылизе большевистской настойчивость марто, путылинзе весе эсензэ способностензэ, умениянзо, эсензэ примерсэ кирвастиль мартонзо роботыцтнень.

Внимательной, чуткой, отзывчивой ломанесь, ялгась—Куйбышев ульнест беспощадной, кеме дь непреклонен партиань весе врагтненень, народонь врагтненень отношениян коряс.

Весе эсензэ славной эрямонзо перть В. В. Куйбышев самоотверженно бороцясь ленинской учениянт ваньксчинзэ кис, партиань ленинско-сталинской генеральной линиянт кис, большевистской рядтнэнь монолитностенть кис.

В. В. Куйбышев свал лецниль седе, што эряви седе некепедемс революционной бдительностенть. Советнэн Москвоской областной III-це съездань делегатнэнь икеле эсензэ меельсь речсэнэ 1935 иень январень 7-це чистэ сон кортасть:

«Минек руководящей принципекс седе товгак должен улем классовой бдительностенть виензамось, партианть перька, Сталин ялганть перька еще седейк неке кеместэ пурнавомась».

Советской народось свято чит В. В. Куйбышев паметенть, кона весе эсензэ лакиця энергиянзо, эсензэ превень весе виенть, весе эрямонзо максынзе Ленинэн—Сталинэн партиантень, народонтень, коммунизманть торжестванзо кис бороцямонтень.

Н. ЕЛИЗАРОВ.



СНИМКАСОНТЬ: Троицкой средней школань тонавтницянтне (Ковылкинской район) велень ловнома кудосо.

Фотось П. Ивановонь.

Школась дь тонавтницянтнень трудовой навиктне

А умок ютавтозь учителень январской совещаниянтнесэ нек покш мель ульнест явозь тонавтницянтненень трудовой навиктнень привитиядонть вопросонть лангс. Совещаниянтнесэ тешкстазель, што школатне еще лавшосто сколмить тонавтнама процессэнт практической навиктнень марто. Секс аволь чуросто лисни истя, што ламо тонавтницянт практикасо амаштить мик выключить радиоприемник.

Трудовой воспитаниянт эряви прививать эйкакштнесэ еще вишка пингстэ. Васняк эряви ушодомс сеньстэ, штобу эйкакшось сонсь маштоволь оршамо-карсеме, пурнам эсь мельганзо тарканзо дь лият.

Школась жо должен тонавтомс сенень, кода эряви роботамс аволь сложной столарной дь слесарной инструментнесэ. Тень кис школатнесэ организовакшномс практической работа металлонь дь чувтонь обработканть коряс, хозяйственной дь учебной инвентаренть витнеманзо коряс, конструировамс дь теемс приборт физикань дь химиян кабинетнэнь туртов. Примеркс, Саранской 12-це № школань тонавтницясь Лёня Любокаев теись внутренней сгорания марто двухтатной мотор, Боря Полдомасов теись аволь берянтэ роботыця «Вольтовой дуга».

Пионерань дь школьников Вsesоюзной соревнованиянтне колхозной скотинань молодня-

конть лангсо шефствадонть нек парсте невтизь сень, кода сынсь седейшкава вечксыз колхозонь од скотинатнень мельга ухондось кирдеманть.

Ламо пионер дь тонавтницянт кизэнь каникулатнень шкастонть аволь берянтэ роботасть колхозной паксятнесэ-як. Сынт ютксо 11 иесэ Ваня Левин (Куликовской школа, Саранской р-н), кона кизэнь каникулатнень перть роботась паксясо дь теись 124 трудочи, сонзэ ялгазо Лёня Чичулин—105 трудочи, Инсарской средней школань пионерэсь Ваня Кочетков теись 100 трудочи. Зярря сынт эйстэ те иестэ выдвинутый велень хозяйствань Всесоюзной выставкань участникекс кандидатокс.

Сень кис, штобу тонавтницянтненень привить седейк покш интерес велень хозяйствань теуентень, те тонавтнама иестэнт эрва школась организоваи пришкольной опытной участкат. Неть участкатнесэ тонавтницянтне кармить кастамо кодамокс культура, макснеме тензэ эрявикс подкормка (удобрения) дь ветямо эрвачинь наблюдения сонзэ касоманть мельга.

Роботань неть опытань тонавтницянтне должны кандомс колхозной паксятнес, пиретнес, садтнэс дь ферматнес.

Б. БОБРОВ,
детской технической станциян директор.

Кепедемс школасо дисциплинанть

Покш Маризь велень средней школасонть зярря тонавтницянт, примеркс, П. Ротанов, А. Торгаева, Е. Шишова дь лият, конат сеестэ поздакшныть уроктнесэ.

Сестэ, зярдо класс сови учитель, карми тонавтомом,—сонэнэ стака кортамс. Классонть кепети шалт, раксема, пиженма. 5-це «А» классонь тонавтницясь М. Рабин, 7-це «А» классонь тонавтницясь П. Ротанов калавтыть школьной дисциплинанть.

Е. Скульгина дь кой-киты лият грубойстэ обращаются преподавателентень марто.

Сеестэ эрси истя: сови преподавателес классонтень дь а кода ушодомс уроконть. 10—15

минута эрявить сенень, штобу оймавтомс пижницянтнень. Кой-зардо тенень ютни мик цела час.

Школьной комсомольской организациясь а лезды дирекциянтень дь учительтненень дисциплинанть кепедеманзо кис бороцямосонть. Комсомолецтнэ ютнить дисциплинань коламонь фактнэнь вакса, кой-зардо мик шныть сетнень, конат тейнить урокс хулиганской теуент.

Эряви чарькодемс, што сядо процентной посещаемостенть, успеваемостенть дь дисциплинань кис бороцямось ашти школасо комсомолецтнэнь важнейшей задачкас.

Б. Петров.
Чамзинской р-н.

АНОКТАДО ЛИ ТЫНЬ ЛЫЖНОЙ КОМСОМОЛЬСКОЙ КРОССОНТЕНЬ?

Васень тарканть кис

Куриловань средней школань тонавниятне чиде-чис анокстыть прят комсомольской лыжной кроссонтень. Весе лыжникне умок кармасть ютавтнеме тренировкат. Ламоксты тейнесть лыжной походт. Аволь умок Куриловань средней школань комсомольской организациясь ютавтсь лыжной поход Козловка—Пушкино—Константиновка—Ивановка—М.-Березники—Курилова маршрутонть коряс.

Нетъ велетнесэ эстафетасонтъ участникнень вийсэ тезельть кроссонтъ значениядонзо беседат. Константиновкас, Козловкас ды М.-Березниксэ лыжникне макнесть концерт.

Куриловской средней школань физрукось М. В. Макаров ладась лыжникнень икелев задача—кроссонтъ саемс васень тарканть. Те задачанть лыжникне тонавтыть паромельсэ. Сынъ тердизь социалистической соревнованияс Ромодановской средней школань тонавниятнень сень кувалт, штобу седе парсте анокстамс комсомольской лыжной кроссонтень ды седе успешносто ютавомс сонзэ.

Б. Новокупцев.

Ромодановской р-н.

Тонавтиить леднеме

Ст.-Селища велень неполной средней школань Осавиахи-мень первичной организациясь (председателесь Баткин ялгась) организовасть стрелковой кружок. Сонзэ члентиз тонавтиизь винтовкань материальной частнень ды ней ютавтиить тренировкат леднеманть коряс.

А. Пронькин.

Б.-Игнатовской р-н.

Ушодовсь кроссонтень анокчинть ванномась

Виевста аноксты Якстере Армиянь XXIII-це годовщи-нанть лемсэ лыжной комсомольской кроссонтень Саранск ошонь Мордовской педучилищань комсомольской организациясь.

Кроссонтъ эйсэ кармить участвовать 40 седе ламо командат. Сынст эйтэ 38 команда ютызь тренировочной минимумонтъ. Сех паро результат лыжной спортонть коряс нейти Самаркин яланть командас. Сон сех икеле прыдызе тренировочной минимумонтъ юта-

монтъ ды максынзе ГТО-нь значоконтъ лангс сокссо якомонь коряс норматнень. ГТО-нь I-це ступенень значоконтъ лангс сокссо якомонь коряс норматнень весемезе максызь 50 ломань. Ламот сынст эйтэ 10 километрань дистанциянь ютызь се шкадонть икеле, кон аравтозь кроссонтъ кувалт Положениясонтъ. Мысин ялгась дистанциянь ютызе 48 м. 9 секундас, Самаркин—50 минутас, Тюжин—58 минутас ды лият.

Течи, январень 25-це чистэ,

карми улеме ютавтозь 10 километрань дистанцияс башка соревнования допризывникнень марто. Те соревнованиясонтъ движениясь карми улеме азмитань коряс, компас марто ды пересеченной таркава. Тесэ покш подготовительной работа лыжникнень марто ютавтыть военрукось А. С. Сахаров ялгась ды физкультурань коряс преподавателесь П. Д. Артемьев ялгась. Сынъ ламоксты ливтнизь командатнень тренировкас чокшне ды ветъ.

Ю. Баранова.

Ютызь тренировочной минимумонтъ

Чись пейдезь-пейди шумбра ды жизнерадостной лыжникнень каршо. Чамаст сынст прок якстере кумацъ. Истямокс Чамзинской средней школань тонавниятнень савкшнось нейкшнемс аволь васенцеде. Сынъ весе ютко шкаст явить сенень, штобу анокстамс эсь эйтэст паро спортсмент, лыжникть. Сынст а эрси истямо

оймсема чист, зардо бу аволь уле вылазка паксав. Вана, примеркс, ютась оймсема чистэнтъ тейнесть поход 7 километрань тарка. Те походсонтъ 40 тонавтиця максызь соксонь коряс норматнень ГТО-нь ды ГТО-нь значокнень лангс. Тенсэ сех паро результат невтеть Лаврин, Кузьмичев, Козлов, Бобылев ды ламо лият.

Те школань зарья лыжной командат ютызь тренировочной минимумонтъ ды покш мелсэ учить февралень 2-це чинть—Якстере Армиянь XXIII-це годовщианть лемсэ лыжной комсомольской кроссонтъ ушодовомань чинть.

А. Симдянов.

Чамзинской р-н.



Саранск ошонь физкультурникне виевста анокстыть комсомольской лыжной кроссонтень Эрва оймсема чистэ ламо лыжникть лиснить тренировкас, яксить киракстнеме лесопарков ды ипподромов.

СНИМКАСОНТЬ: лыжникень группась Саранской ипподромсо.

Фотось П. Ивановонь.

Паксав лыжной походе

Сисемеце «А» классонь отличниксэ Петя Букин ды Андрияша Чиаркин—сех вадря лыжникть Покш Маризь велень средней школасонтъ. Сынъ сеетстэ лиснекшнить сокссо яксеме ды киракснеме. Сынст лангс ванозь ды сынст лездамост коряс кармасть сокстнэнь вечкеме сетнеяк, кить икеле зардоак сокс лангс эзть чалк-сеяк.

Школань тонавниятне ней анокстыть Якстере Армиянь XXIII-це годовщианть лемсэ лыжной кроссонтень (соревнованиянтень). Ульнесэ ютавтозь тренировочной зарья походт.

Букин ды Чиаркин тонавниятне походе яксестъ старшей классонь тонавниятнень марто вейсэ ды вейкеяк эсь-кельксэнь туро эзть кадовкшно эйтэст.

Тонавниятнень ютксо лыжной спортонть развитиянтень ды лыжной кроссонтень анокстамонтъ коряс пек лезды военрукось ды физкультурань преподавателесь А. Т. Алютонь ялгась.

В. Беляков.

Чамзинской район.

Организовазь комсомольской звена

Чукало велень колхозонь первичной комсомольской организациясь, партийной XVIII-це конференциянь честьсэ социалистической соревнованиянь ветязь, организовазь комсомольской звена. Звенасонтъ 10 комсомолецт.

Ней звенасэ ливтни навоз, пурны местной удобрения ды ютавтни паксав ловонь кирдема.

Эсь роботань васенне чистэнтъ уш комсомольской звенасэ уксэ паксав 70 улав навоз.

Лобанов.

Ардатовской район.

Верьгиз ялгась седе содасы...

Бектя Бектяшов кода уш кеветее ие роботы начальни-кенъ личной секретарекс. Ламо ведь чудесь служамонь перть, ламо начальникть полатневсть, но сон яла ашти эсензэ таркасо. Истямо уш сон ломанесь: весенень лади, весень мелест вановить тензэ, весе сонзэяк видьга паролеть.

Вана работась учреждениянь заводс Иван Василч. Сонзэ ульнесть коензэ—валске марто еакшномс, зардо чись кузи кавто чувтонь сэръ ды зардо работникензэ кармить аштеме эсест таркаваст. Кодак сови кабинетээнзэ, Бектя а менстясэ случаенть, штобу а меремс:

—Шумбратадо, Иван Васильевич. Благополучна ли венть печтинь?

—Спасибо,—ответилъ начальни-кенъ.—Парсте.

—Монгак рад тенень, Иван Васильевич. Монгак рад. А кода эри тынк нись, Глафира Владиславна? Чей, пас мери, шумбра.

—Ничево бут.

—Ну, и слава бок.—А сонсь истя ламбамсто мандасынзе турванзо, што арсезеват—кургозо пештазь медьте. Лэмзёр ёнов молиця вишкине сельмензэ кутъказь кутъкить. Валаниясто судрызь черензэ мерят лаковой кемть цитнить.

Бути начальни-кенъ кешнязеви, Бектяшев пшкади:

—Уледе шумбрат, Иван Васильевич!

Панизь Иван Васильевичень таркастонзо растратань кис. Сась таркастонзо Павел Кириллович. Бектя васня прок пельсэ эйтээнзэ. Ки соды кодамо ломанесь? Паряк кежев. Но те кавтолдомась мольсэ а куватьс.

Весть сась Павел Кириллович учреждениянь ды поводизе пальтонзо Бектянь столензэ каршо вешалкас. Ды мезе неи Бектя: начальни-кенъ ожань кенере-пакарензэ ульнесть ваднезь ашосо.

—Ах, Павел Кириллович, тынь вадневиде натъ ашо стенантень. —Капшазь ды прок седеенъ

сэредьстязь мерсь Бектя.—Эрь, мон ноцковтса!—ды Бектя мельсепаросо кармась пальтонть чукамонзо ды сельсэ начтозь кедь ладоньсэнзэ валашкавтнеме. Сонсь корты:—Ды мень истят, мерян, Павел Кириллович, од постройкат, нельзя ютамс стена ёжова—пацкават.

Сыть учрежденияс ломать, снартыть совамо начальни-кенъ, но Бектя а истямо ломань, штобу калавтомс аравтозь коентъ. Сон састо ве кедьсэ айгсы ломанентъ кенкш лангсто кенкш удалов ды мери:

—Кодамат аволь сознательной. А неят, Павел Кириллович сэрмады? Тынк теке тевенк—якатадо, а сонзэ серьезной государственной тевть.

Уш сестэ, зардо кенкш удало ломанесь «вельска туи», карми пек энеме, Бектя сы пильге сурнэ лангсо начальни-кенъ икелев ды кевкстысь:

—Павел Кириллович, учни ломань. Паряк тыненк а коли сонзэ примамс. Мон сестэ кучаса.

Но зарья шкань ютазь теяк

начальни-кенъ ков-бути учреждениясонтъ тусь. Сась таркастонзо од цёра: весела, живой, тевень содыця ды придиричвой.

Бектя Бектяшовонь ульнесэ мелезэ сонензэяк парсте служамс. Сон ломанень пельде кармась содамонзо од начальни-кенъ лемензэяк, тетя лемензэяк (фамилият сон яла а кевкстни), кармась содамо косо эри, ули ли пенгень ланьпыязо, ведень кандыцязо, кевкстизе обобщензэяк. Кедьте здоровакшномсто Бектя истя вечкевикстэ лепштысь начальни-кенъ кеденть, што прок муи сырнень поколь.

Но мельсак саеме трудна, кодамо ульнесэ Бектянь дивазевемась, зардо те од начальни-кенъ недлянь ютазь каизе сонзэ тонадовозь умоконь таркастонть.

Моли Бектя паксавя станцияв. Моли, сонсь арси: «Улитъ жо истят лихоейтъ. А мезень кизэ чумондадызъ ды ёрттадызъ таркастот». Моли сон аволь ки ланга, паксавя-паксавя троке, межа-межа вельска, моли—думи, пильгаловгак а ваны, ды... кода лондады

прянек-пильгенек сэрей латкс.

Паметь сайсь Бектя сестэ, зардо марясь, што лангостонзо киривтсь мезе-бути. Ваны, прась реве левкс. Реве левксэсь и тандадсь и радовась. Эци Бектянь эйс. Бектя саизе сонзэ эсензэ ёжос, ладис:

—Башка, башка! Сердешной. Кадовить авастот. Натъ вейке судьбанок.

Истя ли думамсто, кода Бектя, или реве левксэнь ладсо тандадомадо, но те латконтень прась еще верьгиз.

Бектя верьгиздэнтъ ёртовсь мик латконтъ омбоце ёнов ды кармась чекамо. Реве левксэсь криндявтсь ды таго эпись Бектянь копорензэ удалов. Ваны верьгизэсь—а ков тензэ теевемс, сон неждизе удалксонзо модань стенантень ды ушодызе урноманзо. Реве левксэсь кармась бякаеме.

Бектя сеск полатынзе арсе-манзо, сон ламбаскавтынзе турванзо икеле ладсо ды, верьгизэнтъ лангс невтнезь, мери реве левксэнтень:

—Ды мезь тон пижнат: бя, бя! Вергиз ялгась седе содасы кинь сэвемс! П. Кономанин.

Коде довазъ 100 процентной успеваемости

100 процентной успеваемость марто прыдзые тонавтне-ма иень васене полугодиантэ Кабай велень средней школань 5-це классось. Неть успештень довамосонть покш робота ютавтсь классной руководителем Инжеваткина ялгась.

Характерна тешкетамс Инжеваткина роботастонзо вана кодамо деталь. Сон пек кеме связь кирди тонавтичантень тетяст-аваст марто ды большевистской валсо машты убеждать сынт седе, кодамо леске пельдест эрви школантень, штобу сынт эйкакштне тонавтневельть парете.

— Вастневств истяя семият, — ёвтни Инжеваткина ялгась, — конат аволь ансяк ээтэ лезде школантень, но, мекевланк, тормозыть сонзэ роботанть. Неть семиятнес савсь якамс седе сеетстэ ды ютавтнемс беседат эйкакшонь психологиядонть ды семиясо сонзэ воспитаниядонть.

Теде мейле школантень лезде таргазельть сех отсталой родительнеяк. Омбоце четвертьстэнт невикстэ кармасть вадрялгадамо минек классонть дисциплинась: тонавтичантне лоткасть уроконь нолдтнемадо, школав кармасть сакшномо аккуратна ды парете анокстазь. Аламонь-аламонь четвертенть перть успеваемость кассь 100 процентс. Ламот кармасть тонавтнема ансяк отличнойстэ. Примеркс, Долганов, Фомина ды лият тонавтнемазонь невить ансяк отличной показателть. Омбоце четвертенть прыдомсто минек максызь школань переходящей якстере знамянтэ.

Ней классось соревнуется сень кис, штобу весеменень довама ансяк отличной ды паро показателть тонавтнемазонь ды киненьгак а максомс переходящей знамянтэ.

Н. Овчинников.
Дубенской р-н.

„Вечксы киштеманть минек избачось“

Кодак соват Паракина велень ловнома кудонтень, васняк сельмезэть каяты качамось, конань пачк эль-эль неавить коптявозь потолокось ды раужо стенатне.

Натой а кемеваткак, што те — ловнома кудо. А плакатт, а лозунгт, а портретт тосто а неят.

Столенть лангсо озадо или мадезь аштить од ломать, чулгонить виить, таргить. Вана яки кавксо иесэ цёрыне. Курк-сонзо — сень пильгешка цигарка. Тарги сон ды качамонть нолдтни тейтерень чамас. Вейке од тейтерь пшкадсь тензэ: «Тон куш лоткак таргамо». Цёрынес кармасть лангзонзо пижнеме виськс валсо.

Газетат, журналт сельмсэть как а неят. Беседат а эрсекшнить. Тень таркас эрва чокшне мелеть модемс вант сень лангс, кода китькак тюрить, тенть «мала-куця», марят, ко-

да тапави вальмань сулика.

Ловнома кудонтень пурнавозь од ломатнень ютксто а курок мусак избачонтькак — Н. Цыганова ялганть. Сон вечки ансяк киштемат, секс кодак соват — варштак тесна кругонтень. Кодак неят киштиця, то уш мерт, што те самай избачось. Сон аволь ансяк кишти, моры прищевткак. Ды весе ваньт сонзэ лангс. Конат алкинеть — сетне кузнить стенатне ёжова аштиця скамикатнень лангс. Ваньт ды кортнить: вечксы киштеманть минек избачось, ансяк киштеме ды морамо кирдемс сонзэ.

Велесэнтэ улитъ партийной ды комсомольской организацият. Сынт мелсь тустъ нать избачонть киштеманзо ды секс мезеяк лия, кодамояк робота пельдензэ а кевкшнить.

С. Родин.
Б.Березниковской р-н.



СНИМКАСОНТЬ: Саранск ошонь од ломатне налкситъ хоккейсэ «Учитель» стадиононь катоксо.

Фотось А. Канифатьевень.

КОЛХОЗНОЙ КЛУБСО

Лембе ды уютна Пакся Тавла велень клубсонть. Тезэнь эрва чокшне сакшныть колхозонь од ломатне эсь ютко шкаст ютавтомо: шашкас, шахматс налксемс, журналонь ловномо. Клубонть ули покш активезэ, роботамо таргазь велень весе культурной виитьне. Драмкружокось невтсь зярря постановкат, конатне велень эрицятнень ютксо пользуются покш успехсэ.

Клубонь заведующеесь Суняйкин ялгась культмассовой роботанть пек парсте машты сюлмамо агитационно-разъяснительной роботанть марто. Сон эрва постановкадонть икеле организовакшны лекцият, докладт. Б. Платонов.
Кочкуровской район.

Садо ванды...

Косогор велень неполной средней школань библиотекасонть ули сатышка политической ды художественной литература. Но берянь се, што сон свал ашти пекстазь панжоме эхсэ.

Пионернтнень кевкстемаст лангс: зярдо жо можна ули получамс книга, библиотекаресь Авдошкин ялгась свал отвечакшны: «Течи не могу, садо валске...» Г. Суняйкин.
Б.Березниковской р-н.

ГРАНИЦАНЬ ТОМБАЛЕ

АНГЛО-ГЕРМАНСКОЙ ВОЙНАСЬ

Январень 23-це чинь каршо вестанть башка германской бомбардировщиктне атаковизь Англиян восточной побережьясонть эрва кодат военной объектань.

Английской авиациясь тейсь меельсь читнень перть васен-

це налет Германиянтъ лангс ды сонзэ ёндо оккупировазь территориянтъ лангс. Бомбардировазь Дюсселдорфось ды Рурской областенъ лия пунктнэ, ды истя жо Франциясо аэродромтне.

(ТАСС).

СРЕДИЗЕМНОЙ МОРЯНЬ БАСЕЙНАСОНТЬ ВОЕННОЙ ДЕЙСТВИЯТНЕ

Албаниянь прибрежной полосасонть греческой войскактне кружить Валонанть ды аштить примерна 6 километрань таркасо восток ёно валонской бухтанть эйстэ. Фронтонь центральной участкасонть гректне истя жо маштеть икелев.

Ассопизитед Пресс агентстванть сообщениянзо коряс, итальянектне, самолетнень ды танкатнень тевс нолдазь, тейнить контратакат.

* * *

Ливийской Тобрук портонть весе укреплениянтень марто сазь англичантне. Официаль-

ной английской даннойтнень коряс, австралийской войскактне, конат штурмовасть Тобруконтъ, сайсть пленс зярря тыща итальянект, сайсть ламо орудият ды военной материалт. Борожамось ульнесь пек виев. Итальянектне тейнеть пек седе виев сопротивления, чем Бардиянтъ вакссо.

Рейтер агентствась пачти, што декабryanь 9-це чистэ сазь, зярдо ушодовсь Африкасо английской наступлениясь, Ливиясо итальянской армиясь ёмавтынзе эсензэ составонь малав 2/3 пелькстнень.

(ТАСС).

США-нь правительствась отменил СССР-нтъ коряс „моральной эмбаргонть“

Меельсь шкастонть США-нь Государственной департаментанть ды США-со СССР-нь полпреданть Уманский ялганть ютксо переговоритнень результатсонть Соединенной Штатнень правительствась решизе отменить СССР-нтъ коряс кода эйтэнзэ мерить «моральной эмбаргонть».

* * *

Политикась, конанень обыча мерить «моральной эмбарго», ульнесь тешкетазь США-нь президентанть 1939 иень декабryanь 2-це чинь обращениясонзо ды Государственной департаментанть 1939 иень декабryanь 15-це ды 20-це

чинь дополнительной являвтомасонзо. Невтезь документнаёс США-нь правительствась рекомендовал американской промышленности лоткавтомс кой-кона мастортнэс самолетонь, авиационной оборудованиянь, эрва кодамо материалонь, конат налкситъ существенной роль самолетнень производства-сонть, молибденень, алюминиянь, планонь, патентань технической информациинь усксманть, конат эривить сэрей качествань бензинань производстванть туртов. США-нь правительстванть те распоряжениязо ульнеть нолдазь СССР-нтъ марто торговлянтъ лангс.

(ТАСС).

Коде теёмс планерэнь модель

Планерэнь моделенть теёмс эрви плотной конёв (чертежной или рисованиянь туртов тетрадьстэ) ды васоньбеельть.

Планерэнь моделесь ашти истямо частьстэ: фюзеляж (корпус), сёлмот ды хвостовой оперения. Хвостовой оперениясь ашти горизонтальной оперения эйстэ, конанень мерить стабилизатор, ды вертикальной оперения эйстэ, конанень мерить киль.

Моделень теёманть эрви ушодоме шаблононь вычерчиваниястонть. Тень кис саемс конёв лист, мендыамс сонзэ кавтов, истя, штобу лисевель кавтонь кирда (двойной) лист 130 миллиметрань кувалмсо, 90 миллиметрань келесэ. Те конёвонть лангс копировкань пачк шаблонсто перечертить моделень разверткавть. Теде мейле васоньбеельсэ кармамс сон-

зэ керсеме. Мейле кармамс тееме грузик, конань шпилькасо аравтомс носовой частентень.

Грузикенть теёманзо туртов саемс конёв листке 130 миллиметрань келесэ ды 50 миллиметрань кувалмсо. Колмоксть сонзэ мендыамс кавтов-кавтов, истя, штобу лисевельть весе-мезэ кавксо грузикт. Лиси грузик. Мейле сонзэ аравтомс фюзеляжень носовой частентень. Зярдо сон аравтови, эрви васоньбеельтнень пшти петнесэ теёмс кавто варинеть ды тозонь аравтомс конёвсто теезь шпилькат. Кодак те теэви, эрви васоньбеельтнесэ аламодо вачкоезь клепамс шпилькатнень пест ды тень эйсэ самий фюзеляжень носовой частентень парсте кемекстави грузикесь. Мейле кадови ансяк васоньбеельсэ теёмс затупе-

ванной частесь.

Грузикенть кемекстамонзо мейле кадови теёмс меельце операциянт — эрви мендыамс сёлмотнень ды стабилизаторнть.

Штобу киленть аравтомс стабилизаторнть юткс, тень кис эрви килень сёлминетне мендыамс алов ды сонзэ арав-



томс фюзеляжентень стабилизаторнть юткс.

Тень эйсэ прыдови моделенть пурнамозо. Теде мейле эрви моделенть нолдамс ливтямо. Тень кис вить кедень кавто сурсо моделенть кундамс сёлмонть ды стабилизаторнть

юткова фюзеляждонть ды шождынестэ тулкадэзь нолдамс. Васень тулкадемадонть мейле уш моделесь должен плавна ливтяме валгомазонзо. Но эрви весеменень мелсь кирдемс: моделенть парсте ливтямозо ашти сень эйстэ, кода вадрясто сон теезь, сень эйстэ, кода видестэ аравтозь хвостовой оперениянь рультне. Бути стабилизаторнть удалце кромказо мендыавозь алов, сестэ моделескак круто карми валгомо алов. Бути алце кромкась мендыавозь верев, сестэ моделескак нерензэ карми кепедеме верев. Бути моделесь крутасто пурдакшны вить ёнов, эрви килень удалце кромканть мендыамс керш ёнов се шкас, зярс моделесь а карми видестэ ливтямо. Истяжо устраняется керш ёнов крутасто велявтомаськак, ансяк килень кромканть эрви мендыамс вить ёнов.

Штобу моделесь крутасто алов аволизе нолда неренть,

эрви стабилизаторнть аравтомс истя, кода теде уш кортынек седе икеле, лиякс меремс, тень кис эрви стабилизаторнть удалце кромканть мендыамс верев или шождалгавтомс сталмонть. Зярдо моделесь крутасто верев кепеди неренть ды новоли пулонть лангс, эрви покшолгавтомс сталмонть или алов мендыамс стабилизаторнть алце кромканть.

Весе а чарьковикс вопроснень коряс, конат кармить улеме моделень теёмстэ, сёрмадо истямо адресань коряс: Саранск, Гражданская улица, дом № 25, ДТС, авиамодельная лаборатория.

С. Мишин,

ДТС-сэ авиамодельной лабораториянь инструктор.

Ответственной редакторось
А. ЩЕГЛОВ.